

畿輔通志卷六十二

畧十七

輿地十七

山川六

河間

天津

河間府

山

獻縣

萬春山在縣東十里

雍正志

種桃萬樹爛然如錦

志

大清一統

法顏春日偕同人遊萬春山詩萬春山近獻王居人士溫如
大雅餘杖履不教春冷落偕來童冠足相於
戈濟萬春山
遠眺詩拔地孤巒出平林萬木稠天垂迷海氣日仄抱淖流
桃塢非春候麟郊憶昔遊老僧能道古指點漢王邸
偶來
成信宿古寺在深林曲徑入禪室高居生道心雲烟餘暝色
鐘磬遞清音勝地欣然遠幽懷每獨尋
陳鴻潤萬春山春
望詩春色滿淖津尋春遊萬春草迎巖下路花醉嶺頭
人燕影參差見鶯歌宛轉頻日須攜斗酒莫負此芳辰

雲臺山在縣東南十五里

雍正志

白草山在縣北十八里

同上

謹案一統志三山皆高陵非山也

建成山在縣境漢以此名縣高祖封曹參爲建成侯又封呂

澤爲建成侯公沙穆嘗居此山依林阻爲室

雍正志

樂壽巖在縣西南十里舊樂壽縣之名取此

明一統志

東光縣

天胎山在縣南十里南臨靳河

同上

謹案隋書地理志東光有天胎山太平寰宇記小天臺山

在東光縣界疑卽此山

青山在縣西北三十里

方輿紀要

又土山在青山西十五里

雍正志

魯陽山在縣境

縣志

謹案縣志青山魯陽皆岡隴之屬今頽廢

任邱縣

金沙嶺在縣東四十里東西綿亘數十里其嶺斷處細沙流

出如金故名雍正志縣本無嶺以土阜參差而名方輿紀要

白馬峯在縣境其狀類馬雍正志今失其處縣志

桂巖在縣西北雍正志巖多桂木明一統志其中深邃如巨室方輿紀要

相傳獻王子讀書所今失其處同上

故城縣

歡喜嶺在縣西三里雍正志

河間府川

河間縣

滹沱河在縣東五十里舊自獻縣流入境又東北入順天府

大城縣界大清一統志今由饒陽肅寧東北流入縣境採訪冊

古洋河在縣南八里同上上游通鐵燈竿口元時漳水由此決

入匯爲汚池過洪沙港經獻縣西北界入縣城南通濟橋東

北通靜海縣達直沽後自蘇家口入古唐河故下游

入任邱者與唐河並稱自鐵燈竿口淤河久無水

縣舊志

同治

七年滹沱北徙由此流達河間任邱境

河道冊

古唐河在縣西關外舊時澮水自肅寧縣流入縣西南境又

北逕城西又經北關外繞城而東爲儉河至徐家口洋河自

南來會之而滹沱決口之水亦有自饒陽安平流入者又屈

曲北行逕雙塔村爲半截河又折西北逕左家灣入任邱縣

界明嘉靖十一年中丞許宗魯濬

縣舊志參
畿輔輿圖

今澮水北徙

此河上流遂涸下流爲滹沱所經

採訪冊

黑龍港河在縣東南乾隆四年總督孫嘉淦請帑挑濬以洩

各窪瀝水上接獻縣界下通大城縣子牙河

縣志

謹案輿圖黑龍港乾河自獻縣入縣境東流逕苑各莊又

東北逕孤莊頭又東北逕牙莊又東逕孔家務又東入青縣與縣志所載此河下流河道異

高河在縣西南雍正志舊自高陽縣流入東南流至交河縣合

於滹沱方輿紀要本滹易二水支流今久湮縣志

王淋口支河在縣東北乾隆五年知縣李時憲勸民挑濬以洩余家務窪內瀝水下流入黑龍港

中堡河在縣西八里與肅寧縣界交錯河形多淤

白龍河在縣西北界河形久淤僅有窪勢河東有廢隄土接肅寧下通高陽

黃龍港河在縣東北上游已不可考卧佛堂以下微有河形

東入任邱縣界俱同上

大浦淀在縣西二十五里下流注於滹沱方輿紀要其決入之處

一名百道口亦曰大廉陂

太平寰宇記

福井在縣治西南相傳唐大厯中鑿明正德時湮塞後縣令

尹象坤復濬因名其地曰福井庵

雍正志

七里井在府界隋大業十三年詔涿郡留守薛世雄討李密行至河間軍於七里井竇建德襲破之卽此

方輿紀要

獻縣

滹沱河在縣西南十八里舊由武強縣東北流入至完固口分爲二一東流逕縣南十二里又東北入交河縣界一自縣西分流曰鹽河卽子牙河東北入河間縣界

大清一統志

一曰沙

河

縣志

今由饒陽縣流入縣境古洋河下流經肅寧東南界入

河間縣

採訪冊

宋黃庭堅詩駝褐蒙風霜雞聲渺墟里青

此千戶

侯誰能優劣此

明程敏政詩寒風挾霜起水浪從西來下觸斷橋柱碎此千瓊瑰流響甚清麗驚波屢盤迴官

舟大如掌疾棹過南隈古來濟川人感激多良材王調鼎
 詩平田森森接天流郭外垂楊攬渡舟波侵孤村疑是島沙
 迴斷岸欲成洲荒城半作魚蝦市傲吏偏從鷗鷺游一石水
 沈泥五斗人傳來歲麥宜秋吳國倫詩渟沱之水雁門來
 直入中原遠漢臺萬馬乘流奔赴海千鯨觸石鬪驚雷秦兵
 北戎投鞭渡楚客南浮擊楫回麥飯亭前沙草合翠華不見
 使人哀國朝戈濟渟沱篇渟沱下武夫千里趨溟渤崩
 騰建饌勢蕩潏百川會夏秋殷泉源洪波歛澎湃幾閱山谷
 爭一瀉天地隘幽冀數經流黃河比雄怪浩浩源可窮茫茫
 神所配晉人崇續祀先事肅精愜在記曰惡池古也爲徒駭
 許商不吾欺漢志豈可汰我聞天地間山河判兩界潏潏闢
 江湖細瑣納湍瀨南流淖而清百產欣所賴灌溉物既滋漲
 溢患易瘥乾坤通脈絡足以阜財貝猛勃北流悍泥沙雜蚌
 鮓地偏鮮紆迴土疏乏障礙有時蛟宅移不待蟻穴潰饒獻
 當巨衝青大承委派永懷武垣東蕩舟村塢內隄防旣鞏固
 駭浪稍寧耐顧猶歷數期不免一狼狽邇來更頻數連年逞
 狡獪加以蟲蜚災蕪彼珠桂嘒道路間流亡間閭絕稱貸可
 憐素封家時等嗟來輩今秋稱大熟日食乃得再稍復通車
 船時見走賈僧朝登白草山緬想唐虞代九河湮疏鑿千村
 羅闐閭故道杳難復洪流竟何屈陵谷片幾更俯仰成一喟
 至尊憂黎元多方起凋瘵前年呂梁東橫波注豐沛自
 古罹憂患羣生仰廩賚惟帝日咨嗟曰予實警戒博採
 羣工議獨與神禹對金錢傾府庫玉策驅俊乂狂瀾迴其波
 巨澤散以澮羣山忽若拔靈海瞥而大掘地亘千里神工未

半載魚龍徒窟穴溝塍雜繡績禾黍雲油油邱壘烟靄靄野
老擔夏鋤社鼓打秋賽出入忘帝力謳歌動天籟安知

聖憂勤端居易朝晦人事補天行暫勞貽永泰矧茲滹沱
流動為畿輔害漳入河勢張漳去河勢殺冷水別經途胡

盧承委退從此慎厥防無俾久而壞滄陽挾大陸助虐茲為
最由來倔強甚不盡壅障解禹貢利疏排明德著著蔡完固

舊分流遺跡尚宛在勢分力自弱事半功乃倍誰當罄敷陳
吾欲事圖繪聖朝建峻烈詎肯遺纖芥至人經大

猷豈徒饒言語昧昧方有思秩秩宜未艾奮然成巨績果爾
繼前畫坐見土穀豐終免昏墊瘁於戲匪多喙桑梓吾所愛

古洋河在縣西北四十五里界饒陽肅寧地經縣境長四十

里久湮縣舊志今為滹沱經行之道採訪冊

古唐河在縣西北五十里連肅寧河間二縣界經縣境五里

今湮縣舊志

胡盧河在縣西南自武強縣流入縣境完固口下流經臧家

橋入大城縣界為子牙河同上

朱家口引河在縣東北光緒七年由古洋河東岸開濬引滹

沱水歸子牙河

河道札

黑龍港河自縣東南雙隄口起東北流逕小屯村又北逕谷

莊又東北逕沿莊又東北入河間縣

畿輔輿圖

亭子河在縣南二十里上接武強縣下通交河縣久淤乾隆

五年濬

縣志

馮家橋河一名古乾河在縣北十八里自武強縣入境東北

流抵高旦村匯注爲害乾隆五年知縣楊文彩築隄堵遏引

水入河間古洋河

縣舊志

清河在縣南二十七里上自交河縣富莊驛下接交河馬家

莊歷縣境二十里久湮

同上

鬲津河在縣西二里

方輿紀要

東北流入故饒安縣界

雍正志

鈎盤河在縣東南五十里自山東德平縣流入境

方輿紀要

馬頰河在縣東六十里自山東商河縣流入境上

同

謹案漢書成帝時許商上言古記九河之名有徒駭胡蘇

鬲津今見在成平東光祿縣境中通典鈎盤在景城郡界

馬頰在平原郡界考景城廢縣在今縣東南九十里成平

廢縣又在景城南二十里平原不在縣境以上三河蓋後

人鑿以導水而附以九河舊名也今皆湮廢

毛家河溝在縣西南自交河縣韓屯村東北接舊溝頭起至

馬家鋪入大橋口歸亭子河長九百四十丈

縣志

栗家莊溝在縣西接武強縣界由王家莊引至馮家橋經商

家林入古洋河長三千八十丈

小尹村溝在縣西接饒陽縣由鎮上村歸大河口入古洋河

長二千四百三十丈

東西溝在縣北大路旁自馮家橋至商家林接河間縣界長三千七百十六丈

孟家溝在縣東入劉武周河由青縣程家莊入淀長三百五十丈又縣東高官村溝亦入劉武周河長八百丈

均莊村西溝在縣東北下流引歸黑龍港長七百九十丈

歡留村溝在縣東北下流引入黑龍港長二千四百二十丈

又縣東北張丁窪溝亦入黑龍港長九百五十丈

俱同上

房淵在縣北三十里

康熙志

方三百里今湮

太平寰宇記

石勒時水

忽變赤慕容雋時水忽生鹽委流入於滹沱

方輿紀要

阜城縣

劉麟河在縣北七里上接冀州棗強之索盧河又東北入交

河界

雍正志

繞縣西三里東折經劉麟橋故名劉麟河

縣志

一名

流冷河

方輿紀要

謹案方輿紀要胡盧河在縣西北七里流冷河在縣北七里攷縣舊志胡盧河自故城縣西南五十里東北流入縣境名劉麟橋河方輿紀要分爲二水非是

古漳河在縣西南自景州入縣境東北流逕劉麟橋又東北入交河縣久涸

畿輔輿圖

王莽故河在縣西南卽屯氏河之下流今湮

方輿紀要

俗呼爲漫

河上接江江河自景州入縣境之塞馬鋪折東北逕沙窩又東逕張家棗行又折北逕厲家莊又北東逕陳家菜園又東

北入東光縣界

畿輔輿圖

肅寧縣

古洋河在縣東南界自獻縣魏家橋流至龍泉橋經縣境十

餘里入河間縣界

縣圖說

古唐河故道在縣東南舊時澁水自饒陽縣入縣境東北流數里入獻縣境東北流八里復入縣境徐家莊至郭家樓入

河間縣界今涸

畿輔輿圖參縣圖說

青口河在縣北三里

縣志

河村河在縣北五里

甘河在縣西三里

灘頭河在縣東八里

海市河在縣西南十五里

俱同上

謹案府志以上五河皆澁水散入處與中堡河通流今澁

水自清苑入安州合府河入依城河故道多湮

中堡河在縣東北三十里舊時滋沙澁諸水溢入縣境又東

分流爲玉帶河

雍正志

玉帶河卽中堡河之分流在縣東三十五里初歷五千淀達

於雄縣之瓦濟河後北入高陽歷新安雄縣而達任邱之趙

北口故道遂湮

同上 國朝朱椿芳訪玉帶河故道詩千里長隄草正齊猶傳名勝古瀛西瀾迴滋澆漁

歌斷流竭沙唐客渡稀剩有斜陽鴉選樹偶從積雨蚓盤畦當年澤畔行吟處一帶閒雲護野溪

大小橫河在縣北十五里軍莊村東上接城西瀝水下入大

窪

縣志

白龍河在縣北二十里朱家莊東上接城南諸水下入大窪

同上

朱家窪在縣北朱家莊東北

縣圖說

洋東淀五千淀俱在縣東南三十里舊時鐵燈竿口諸水散

流所匯今湮

縣志

任邱縣

四角河在縣西北五十七里其上游一接高陽河一接長流河一接白溝河過趙北口由柴伙淀入保定縣爲玉帶河陸隴

其畿輔

地圖說

謹案輿圖清河爲東西兩淀之經流入縣西北楊家莊爲四角河東出趙北口廣惠橋東北流十餘里入雄縣是爲清河門

高陽河在縣北五十里自高陽縣流經趙北口入四角河縣志

長流河在縣西北由安州新安四爻河流至趙北口入四角河

白溝河由容城分流歷雄縣新安至趙北口入四角河

半截河在縣東南滿堂村自河間縣古洋河流入境下流入

五官淀

俱同上

馬道正河上自廣惠橋下至清河門嘉慶十一年知縣陳元

芳領帑修浚

縣續志

其南岸分支爲岔河今名馬道支河下流

仍入正河

畿輔輿圖

大港引河在縣西北四角河分支下流至雄縣仍合四角河

鏡河在縣南其上游卽玉帶河流經縣南八里會馬圈泊又

北至縣南三里會蓮花泊又城東南齊家泊亦流合焉又北

至五龍潭東出斜溝會於五官淀今淤

雍正志 明李時鏡河記畧任邱南去京

帥三百里當燕趙之交水陸輻輳河自沙唐滋清三岔口而下東北至河間又北迤於郎家莊淳流縈紆由縣匯於阿陵城凡商賈之所貿遷區野之所浸漑百利是興腴壤攸賴邇來泉源涇沉淵藪墳墟荻莽載望民實病焉蓋十閱歲矣邑大夫鏡堂王君至之期年喟然曰夫令民者將導利而胥播於下也民賴其利而淤其源則焉用令乃鳩工量材孚上董下物土之宜因其便故徙庸之費取諸羨資民趨若赴不踰月而功成南北凡七十餘里廣十餘尋亘以巨隄袞若橫帶

較之往昔形利兼倍焉邑人士相與言曰斯河之流也鏡堂君之澤也則請以鏡名可乎予聞而嘆曰夫在邱之爲名也不以任君之故哉至今民猶戴之後世言鏡河者則君侯足稽焉二君俱不朽於茲邑矣君名齊字元修河南新蔡人鏡堂其別號云王齊玉帶河詩一水中分曲抱城鳴蟬高樹晚峯青半天樓閣人橫笛遠地帆檣客上亭漁唱蒹葭秋泛泛龍吟風雨晝冥冥河橋酒市仙舟過疑是王維老畫屏

趙王河在縣西由肅寧河間入縣界縣志下流入雄縣採訪冊

謹案縣志梁家河趙家河臨河帶河大乾河清水河皆在

縣西陳王莊等處今並淤

古唐河在縣東南自河間縣左家灣入縣境北流十餘里逕

相子口又東北逕市莊東又東北逕東莊橋下又屈曲北流

入五官淀今湮

畿輔輿圖

滹沱河故道在縣南二里宋時自高陽縣流入莫州至金口

分界東北流入霸州文安縣境

方輿紀要